



5-қисм

Икки жинс ўртасидаги ўзаро муомала ҳукми

САВОЛ: Агар эркак киши номаҳрам аёл билан муомалада бўлса (гаплашиш, хат ёзиш ва ҳ.к) ва улар бир-бирларини севиб қолса, мана шу амал жоизми?

Жавоб: Бундай амалга рухсат йўқ. Бу ҳар иккала томоннинг ҳам шаҳватини қўзғайди. Кўпинча бу муомала, васваса ва қалбда зинога бўлган муҳаббатни орттирувчи юмшоқ, майин суҳбат қуришга айланади. Ҳар бир кишига ўз дини ва обрўсини сақлаб қолиши учун бундай муомала ва суҳбатлардан сақланишини маслаҳат бераман.

Шайх ибн Жибрийн

Аёл киши билан телефонда гаплашиш

САВОЛ: Уйланмаган ёш йигитнинг турмушга чиқмаган қиз билан телефонда гаплашишининг ҳикми қандай?

Жавоб: Номаҳрам аёл билан жозибадорлик, майин овоз билан гаплашиш каби шаҳватни қўзғатувчи ҳар турли муомалага рухсат йўқ. Телефонда гаплашишга ҳам, бошқасига ҳам рухсат йўқ. Аллоҳ таоло айтган: **“Бас, сизлар (ноомаҳрамларга) майин сўз қилмангларки, у ҳолда қалбида бузуқлик бўлган кимса тамаъ қилиб қолур».** (Аҳзоб:32)

Агар мажбур бўлиб қолинса, шариат доирасида суҳбатлашишда зарар йўқ. Нима бўлганда ҳам бундай суҳбат керагича миқдорда, чекланган бўлиши керак.



Ислом Нури

Шайх ал-Жибрийн

Интернет орқали суҳбат қуриш

САВОЛ: Ассаламу алайкум. Бир қизнинг қўлини сўрадим ва ҳар замонда интернет орқали бир-биримиз билан гаплашиб турамиз. Ўқишни битирмагунимча (ҳозир 3-курсдаман) унга уйлана олмаслигимга қарамай, у билан интернет орқали гаплашишимга рухсат борми? Вассаламу алайкум.

Жавоб: Аллоҳга ҳамдлар бўлсин!

Агар никоҳ ўқилган бўлса у билан хоҳлаганингизча ва хоҳлаган вақтингизда гаплашишингиз мумкин. Бироқ, Исломий никоҳ амалга оширилмаган бўлса, у сизга бегонадир. Шунинг учун тўғридан тўғри у билан гаплашишдан сақланинг. У билан E-mail ёки интернет орқали қилаётган муомалангиз, маслаҳат бериш, таълим бериш каби чекланган ҳолатлардан иборат бўлса, бунинг нотўғри жойи йўқ. Аммо ҳиссиётга тўла ёки бирор-бир ёмонликка сабаб бўлувчи нарсалардан жуда эҳтиёт бўлинг.

Аллоҳ сизу бизни Ўзига ибодат қилишимизда ва Унинг ғазабини келтирувчи нарсалардан сақланишимизга ёрдам берсин. Расулуллоҳ соллаллоҳу алайҳи ва салламга Аллоҳнинг салоту саломи бўлсин!

Шайх ал-Мунажжид

Аёлнинг номаҳрамга қараши

САВОЛ: Аёл номаҳрам эркакка қараши мумкинми?



Ислом Нури

Жавоб: Аёлларга номаҳрам эркакларга қарамасликларини маслаҳат берамиз. Аёл киши заифа ва тез таъсирланувчандир. Кўпинча, аёллар кинода ёки расмда ёш йигитларни кўрганда ҳиссиётларга берилиб ҳаяжонланади. Бу эса уни васвасага ундайди. Васваса сабабларидан узоқ бўлиш ҳар доим хайридир. Ҳаромга олиб борувчи ҳар бир нарса ҳаромдир.

Шайх ибн Жибрийн

Аёлнинг эркакка қарашининг ҳукми

САВОЛ: Аёлларнинг телевизорда эркакларга қараш ва кўчада тўсатдан эркакларга қарашининг ҳукми қандай?

Жавоб: Ҳамма вақт аёллар эркакларга икки сабабдан бири билан қарайди, телевизорда ёки бошқа ердами бунинг фарқи йўқ. Биринчиси шаҳват билан қараш. Бу ёмонлик ва васвасадан иборат бўлгани учун таъқиқланган. Иккинчиси ҳар турли шаҳват ва хоҳишлардан ҳоли бўлган оддий қараш. Олимларнинг қарашларининг тўғрироғига кўра бу тур қарашнинг зарари йўқ. Бунга рухсат берилган, чунки бу Бухорий ва Муслимнинг саҳиҳларида келтирилган Оиша розияллоҳу анҳо онамизнинг ҳабашийларнинг намойиш этаётган жанг рақсини томоша қилгани тўғрисидаги ҳадис билан қувватланган. Расулulloҳ соллаллоҳу алайҳи ва саллам Оиша онамизни улардан пана қилиб тўсганлар, аммо қарашдан ман қилмаганлар.

Нима бўлганда ҳам бу қараш шаҳватсиз, эҳтироссиз ва васвасасиз бўлиши шарт қилинади. Агар бу қарашда шаҳват ва васваса бўлса, телевизорда бўлсин, бошқа ерда бўлсин бу қараш таъқиқланади.



Ислом Нури

Шайх ибн Усаймин

Аёлнинг севиб қолиши

САВОЛ: Қиз бирортасини чин юракдан севиб қолса ва Аллоҳдан унга турмушга чиқишини дуо қилиб сўраса тўғри бўладими?

Жавоб: Аллоҳга ҳамдлар бўлсин! Агар бу севги Аллоҳга бўлган муҳаббатдан чалғитмаса ва сизни бирор бир ҳаром нарсани қилишга ёки айтишга ундамаса, у ҳолда бунинг ҳеч қандай нотўғри жойи йўқ. Иншааллох, Аллоҳдан уни келажагингизнинг бир қисми қилишини сўрашингиз нотўғри эмас, хусусан у Аллоҳдан қўрқадиган мусулмон бўлса.

Шайх ал-Мунажжид

Номаҳрам аёл билан қўл бериб кўришиш - 1

САВОЛ: Нима учун Ислом кишини номаҳрам аёллар билан қўл бериб кўришишдан қайтаради? Шаҳватсиз қўл бериб кўришиш кишининг таҳоратини кетказадими?

Жавоб: Бу васваса бўлгани учун Ислом бундан қайтаради. Васвасанинг энг катта кўринишидан бири эркак кишининг номаҳрам аёлга тегинишидир. Васваса (гуноҳ)га олиб борувчи ҳар бир нарсa шариатда таъқиқланган. Шунинг учун ёмонликдан сақланиш учун ҳатто кўзни тийиш талаб қилинади. Эркак кишининг ўз аёлига тегиниши таҳоратни синдирмайди. Агар эркак киши шаҳват билан тегинса ва эркакдан шилимшиқ суюқлик ёки маний келганса таҳорат синади. Агар маний бўлса ғусл қилади. Агар маний бўлмасдан бошқа суюқлик бўлса, жинсий аъзоларини ва суюқлик теккан жойларни



Ислом Нури

ювиши ва таҳорат олиши керак бўлади.

Шайх ибн Усаймин

Номаҳрам аёл билан қўл бериб кўришиш - 2

САВОЛ: Муслима аёлнинг мусулмон эркак билан қўл бериб кўришишига рухсат борми?

Жавоб: Эркак кишининг номаҳрам аёллар билан қўл бериб кўришиши ҳаром.

Маъқил ибн Ясордан ривоят қилинган ҳадисда Расулulloҳ соллаллоҳу алайҳи ва саллам айтдиларки:

«...:...»

“Сизлардан битталарингизнинг бошига бигиз суқилиши ўзига ҳалол бўлмаган аёлга тегинишидан кўра яхшироқдир». Табароний бу ҳадисни «Ал- Муъжамул Кабир» да келтирган, Албоний саҳиҳ ал- Жамиъда саҳиҳ деган, 5045.

Номаҳрам аёлга тегиниш фитна, шаҳватни қўзғовчи ва гуноҳ амал эканида шак-шубҳа йўқ. Ҳеч ким бу ишни қилаётганида ҳиссиётлардан ҳоли ва қалби тоза эканига кафолат беролмайди. Чунки энг тоза қалбга эга ва энг покдомон бўлган пайғамбаримиз соллаллоҳу алайҳи ва саллам ҳеч қачон номаҳрам аёлга тегинмаганлар. Ҳатто байъат қабул қилганларида ҳам аёллардан эркакларникидан бошқача байъат



Ислом Нури

олганлар. Оиша розияллоху анҳу айтади:

«...»

«...»

“Расулуллоҳ соллаллоху алайҳи ва саллам ҳижрат қилиб келган муслима аёлларни: **“Эй пайғамбар, қачон сизнинг олдингизга муъминалар келишиб, сизга ўзларининг Аллоҳга бирон нарсани шерик қилмасликларига, ўғрилик қилмасликларига, зино қилмасликларига, (камбағаллик ёки шарманда бўлишдан қўрқиб) ўз болаларини ўлдирмасликларига ва қўл-оёқлари ўртасида тўқиб оладиган бўҳтонни қилмасликларига ҳамда бирон яхши ишда сизга итоатсизлик қилмасликларига қасамёд қилсалар сиз уларнинг қасамёдларини қабул қилинг ва улар учун Аллоҳдан мағфират сўранг! Албатта Аллоҳ мағфиратли, меҳрибондир».** (Мумтаҳана:12) ояти билан синаб имтиҳон қилар эдилар. Шундан сўнг муслима аёлларнинг қайси бири бу шартларни қабул қилса, Расулуллоҳ соллаллоху алайҳи ва саллам унга: “Сенинг байъатингни сўз билан қабул қилдим”, – дер эдилар. Аллоҳга қасамки,



Ислом Нури

у зот соллаллоҳу алайҳи ва саллам байъат қабул қилаётганларида қўллари ҳеч қачон бирон бир аёлнинг қўлига тегмаган. Набий соллаллоҳу алайҳи ва саллам аёлларнинг байъатларини: “Сенинг байъатингни шу асосда қабул қилдим” – деб қабул қилар эдилар». Имом Бухорий ривояти.

Оиша онамиздан ривоят қилинган бошқа бир ҳадисда айтадилар:

«...»

«...»

“Пайғамбар соллаллоҳу алайҳи ва саллам аёлларнинг байъатини сўз билан қабул қилар эдилар. Расулulloҳ соллаллоҳу алайҳи ва салламнинг қўллари ўзига ҳалол бўлган аёллардан бошқа бирон аёлнинг қўлига тегмаган”. Бухорий ривояти.

Баъзилар аёл киши қўл узатганда, рад этишга жуда уяладилар. Баъзилар эса мактабда синфдош, олийгоҳларда курсдошлари ёки ўқитувчилари билан ёки иш жойида ҳамкасабалари билан ёки расмий учрашувларда қўл бериб кўришга мажбурлигини даъво қилишади. Аммо бу қабул қилинмайдиган узр. Мусулмон киши ўз ҳиссиётларини жиловлай ва шайтоннинг васвасаларини қайтара олиши лозим. У иймонида мустаҳкам туриши керак. Чунки Аллоҳ таоло ҳақдан уялмайди. Мусулмон киши бирортасини ҳафа қилмайдиган ва ҳиссиётларига зарар етказмайдиган қилиб, мулойимлик билан



кечирим сўраши ва қўл бериб кўриша олмаслигининг сабабини тушунтириши лозим. Кўп ҳолларда, бу бошқаларнинг унга бўлган ҳурматини яна ҳам орттиради. Бу уларга биринчи мартасида ғалати кўринсада, кейинчалик бунга кўникадилар ва шояд бу амалий даъват бўлиб қолса.

Валлоҳу аълам